

久昌寺緣起（原文）

尾張國丹羽郡稻木莊柳橋鄉小折村嫩桂山久昌寺當初號慈雲山龍德寺曹洞派下之練若實峯良秀和尚掛錫之地也星霜推移失開基之年月所傳說者殆三百年歟文明明心之際生駒左京進藤原家廣依為父祖墳墓之地再營梵宇附田畝生駒氏撰政良房公諡忠仁公之苗裔領大和國平羣郡生駒鄉谷口邨以居焉以生駒為稱號至中世流落來尾州卜居丹羽郡小折邨此時郡鄉無主即為食邑子孫連綿至家廣益揚家聲此後龍德僧徒入鬼簿洞山斷絕生駒加賀守豐政同藏人家宗招關山會下董龍德之席織田信長公勃起平均尾州而築城同州小牧山為本營娶生駒家宗女產二男一女所謂從三位左中将信忠卿內大臣信雄公及德川三郎信康妻也一日信長公之妻易簪茶毘小折邨西号新野之地修真福於龍德寺關山末派僧來自伊勢寓龍德禪刹即秉炬號久菴桂昌大禪定尼恂二株嫩桂久昌昌之義改名嫩桂山久昌寺實是永祿九年丙寅也信長公常哀慕妻女登小牧城樓遙望西方悲淚數行歎惜未已云天正年中關山派沈落家宗子八右衛門尉家長請海巖和尚住久昌寺巖在中嶋郡清洲城下含笑寺通幻法胤天鷹之徒也巖尾州人佐佐內藏助成政後任陸奥守外甥也家長為膠漆之交巖學才博洽世之所遍知也巖以其師含笑寺住持雄山和尚為久昌中興開山巖為第二世於是濟水流枯洞山蔭榮信雄公領尾勢之日追母公之遠忌以丹羽郡五明邨六百六十石之地充久昌厨料信雄公初生小折構營稱其氏神者八代龍神社是也家長者信雄公外舅也家長嘗領小折城屬犬山城主織田十郎左衛門尉信清岩倉城主織田伊勢守信安與犬山矛盾出兵浮野合戰家長隔小流最先合鎗擊取其敵小口合戰先登中鉄炮傷上腮其後仕信長公公撰武功士著黑角白角之胄二十人陪侍近習家長列黑胄十人濃州森部合戰家長在信長公旗本懸心先登離群往先鋒瀧川左近將監一益隊一益甥瀧川儀太夫為魁首家長與此同進我兵散靡家長殘留回轡而進敵酋長井甲斐守馳馬與家長遇以鎗突落家長僕從繼來故長井不顧家長驅入我陣遂戰死敵鎗中家長鏗而不透其身家長以不擊取長井為遺憾信長公征朝倉義景攻越前國金崎城家長疾進附屏被矢疵信長公攻淺井備前守長政江州小谷城城堅不拔引兵而歸淺井乘其弊佐佐內藏助成政殿後家長曠成政故自旗本抽出戮力敵急進家長返合度度弘敵淺井辟易成政收兵以實告信長公大有褒賞時人亦知其勇武信雄公修復小折營內高樓櫓外浚湟漚賜家長天正甲申信雄公與羽柴秀吉確執秀吉入自濃州侵尾州東照神君援信雄公屯小牧舊壘相對小折城與犬山接境兩君到小折往村外良隅富士塚監臨敵陣又登城樓巡視此時家長守勢州河內城今日長嶋是信雄腹心之地常居之今來尾州此城無警衛故令家長據焉小折城家長次男傳三郎善長後号右近持之信雄公使佐久間甚九郎正勝後号駿河守剃髮曰不干鉄炮隊首青山新七郎為番兵在城內天正庚寅信雄公有故國除諸土流落秀吉公擇其人侍幕下家長仕秀吉公安堵本領五郎八利豐者家長季子也師海巖和尚事筆硯讀書典學倭歌天正十八年庚寅小田原之役與父同從信雄公于時十六歲同年仕關白秀次公扈從奧州陣同十九年辛卯十一月廿八日叙從五位下任隼人正上卿中山大納言奉行職事藏人頭右大弁藤原賴宣此時號豐臣宗直後改長知復藤原姓又改利豐其官名亦改大炊助後改因幡守秀次公有事之後依姻家之好蜂須賀阿波守家政後難髮號蓬菴呼之已欲往焉父家長讓與采地故住小折家長嫡子平藏早世其子平三郎自幼仕秀信卿家長男右近善長從信雄在配所三男與三左衛門不及弱年而死故四男利豐為嗣每歲一度與尾張國土到大坂拜謁慶長庚子石田三成挾秀賴公舉兵四海鼎沸福嶋左衛門大夫正則從神君之駕而東行謂利豐曰西州有變保正則居城清洲莫攻

取焉利豐額之織田秀信卿信忠卿子領濃州岐阜城故曰岐阜中納言黨三成秀信卿使利豐父子屬我而再三請焉父家長以信忠卿親

戚難靡秀信卿隨其言欲引彼兵赴小折營利豐堅執而不違約束入清洲城守焉正則歸尾州向西濃利豐

同行攻岐阜城之時先驅登七曲乘城中九月十五日關原合戰進福島先隊向宇喜多秀家陣利豐下馬提

鏹近敵者一町余敵兵有負金切團以猿尾縫團緣指物指揮銃卒者利豐欲擊彼士擊馳馬急登山彼士傳

山尾而逃利豐追之我兵二人慕後而來利豐思爭其斬獲而棄彼士驅入宇喜多本陣步卒一人拔刀而向

利豐以鏹突倒焉小坂助六來自左方敵兵著黑鎧以淺縹巾裹頭之士走下丘上一鏹突小坂落于馬利豐

掉鏹突伏彼士取其首是秀家近士隊謂之小性頭足立勘十郎也此日利豐從兵獲敵首者四級福島正則為先

容獻今日所獲之首級神君此行也大捷天下入 神君手中自是御座大津福嶋正則及尾州士陣山科醍

醐利豐同陣焉十月 神君移大坂城西丸與福嶋正則共拜謁尾州士歸國同冬利豐賀歲末而自尾州獻

綿衣二領西尾隱岐守吉次啓之 神君賜御書翌年春往大坂奉謁 神君下野守忠吉卿望請以利豐為

家臣 神君允之忠吉卿依主尾州令利豐居小折義直卿領尾州以 神君鈞命仕義直卿大坂兩陣 扈從

在竹腰山城守正信隊五月七日我兵乱列利豐不退一步而進驅欲入城中山城守正信張陣制止先者故

歸來與正信同居而集散兵利豐自十六歲朝參暮請不怠將悟玄要廿三歲海巖和尚言下有省焉利豐妻

津田藤右衛門女也津田者織田門葉代代領同州春日井郡小田井城被知其名屬信長公麾下繼仕信忠

卿利豐妻死而葬新野郎久昌西郊新野塚長塚皆是茶毘之地也巖相攸轉久昌塔頭以為其地移于寺

裏塔頭關山下新藏主所居也久昌寺厨料秀吉公之時文祿四年九月廿一日賜如先條不可遺失之印慶

長一統之後伊奈備前守忠政點檢尾州之時減久昌領地授五明邨之內二百石同六年五月廿日忠吉卿

下朱印義直卿任慶長之例元和六年九月朔日賜印章海巖和尚移同州那古野城下萬松寺法弟明谷和

尚知久昌寺萬松天鷹之後大雲和尚之淨利也巖又為越之前州永平寺住職依先例谷董萬松寺久昌寺

數世改替無本寺之規箴巖主萬松谷相續是以為萬松之末寺谷授久昌宗訓以僧蠟未滿宗壽和尚監寺

壽昏邪不拘僧律故攘斥元除和尚代之約曰宗訓轉衣之時可讓住職書一紙投利豐除違前盟不肯與焉

明谷入滅訓怒而還衣鉢登江州西明寺汲寂室和尚末流改名空子除溺酒失寺法利豐從往日之約欲令

除隱居訓為住職除無辭遜之志訓亦不歸寺門殆傾側法水弥耗盡利豐既有追却之志萬松現任陽穀和

尚及洞山派下僧侶來扣而謝焉利豐抑憤而止除尚無改其過利豐不忍見之正保丁亥書元除罪惡而訴

焉寺尾越前守直政後改土佐守達義直卿有旨曰先祖相承之寺院者檀越裁斷而寺僧不可背之寺僧不隨檀越

者不輕其罪早可追出其僧越前守及山下乡正氏紀松井三郎左衛門吉英二人為那古野城留守又預國務傳諭利豐黜元除而

乞邦君以久昌租稅修補梵宇新建方丈僧房衆寮悉備焉又造成同邨櫻雲山常觀寺地藏堂常觀久昌末

院本佛尾州所稱來六地藏佛之一員也久昌鎮守勸請神明社在寺之西邊遠入林中而勞參拜之步故寺

之東北定其地改移神祠其舊址結茆宇為塔頭號松向山了桂院（一）久昌梵鐘明應六年丁巳臘月造焉左

京進家廣為願主久歷居諸而破毀利豐婦女奧州岩城郡主鳥居左京亮忠政妻也忠政卒後落髮號宝壽

院住京師為父母孝養寄鳧鐘久昌昔日之破鐘同入鑪中鎔範已成那城下瑞雲山政秀寺徹源和尚為其

銘源槐山和尚法嗣悟溪之流垂也利豐年老退隱私舍男大膳利勝後号因幡繼其塵慶安年中利豐薙髮自名號

空山露月居士小折邨東北有法頂寺安藥師佛其地絕景不可云焉居士構廟地于森陰疊石為納骨之處

淨瑠璃尊移大雲山般若寺之東鼎建一堂仰崇焉般若寺元是真言之道場也離鄉里者遙而人蹤亦希矣有妖怪惱往來之民庶或時生駒氏過寺前遇妖鬼拔刀忽斬之妖鬼逃散翌日見之斫裂石五輪此刀濃州關鍛工禪定兼吉所造也刃少闕數年之後其闕自然愈刃如元生駒氏名五輪丸珍藏焉于今現存般若寺密宗分散而關山下居之隸久昌居士久昌經營落成寺院無主潛思洞山斷絕時已至慕久菴之古欲為慧玄會下未果居士遂憑石川伊賀守正光白邦君光義卿即令家臣議焉正光与竹腰山城守正晴成瀨信濃守正親志水甲斐守忠繼^(三)及萬松寺九峯和尚交互評論述旨趣光義卿曰久昌寺中年關山派僧住院雖改其號濫觴是曹洞宗之紺苑也據出自則豈有他競望耶舍往昔取後日者亦不可也且又檀越復古而定住持則本山爭有妨耶宜採擇洞山派下名緇而居者矣利勝恭順居士謹承其旨撰近邦苾芻而祇待決心和尚心住勢州龜山城下宗英寺因家臣呈實以諮龜山城主心諾利勝迎接心入院往萬松寺為本末規則心又管三州富川妙巖寺一仲和尚視篆居無幾退院隨岩和尚開堂寬文七年二月十七日光義卿逐慶長元和之例賜寺領之黒印同十年庚戌四月廿六日居士捐館享年九十六歲以平日之訓告納石櫃瘞法頂森下居士之所志者入定也未世不聞此事故輟焉利勝致葬礼吊賻久昌寺嗚呼居士之長生近歲不有如此者筋骨形軀不衰可謂得其壽矣久昌復旧寺院改觀居士之力也久昌遂入洞山者夫命矣耶夫久昌寺沿革一一難記焉實峯和尚開基而後慧玄之徒居焉曹洞門葉亦繩々如此分崩離析故剝去牌版拋却石碑生駒氏累代下世之月日其書泯滅無知者惜哉凡久昌末寺雖若干或變他宗或換自門而今所殘者纔七寺也

常觀寺

般若寺

瑞龍寺

了桂院

右四箇寺在小折村

道音寺

在同州丹羽郡五明村

稻源庵

在同郡石仏村

常昌寺

在同州春日井郡西嶋村

(一) 久昌寺本では次の通り（傍線部が異なる部分）。

久昌鎮守勸請辨財天社在寺之坤維遠入林中而勞參拜之步故移之東北定其地改營神祠其南方結茆宇為塔頭號松向山了桂院

(二) 「渡邊飛驒守治綱」に貼紙